

دروس السيرة || الشيخ احمد جلال || مسجد الصديق || مقدمة

السيرة 7 1102 9

أحمد جلال

كل هذه سبيلي. ادعوا الى الله. على السلام عليكم ورحمة الله وبركاته. اه اعوذ بالله السميع العليم من الشيطان الرجيم. بسم الله الرحمن الرحيم. الحمد لله رب العالمين والصلوة والسلام على - 00:00:00

سيدنا محمد وعلى الله وصحبه ومن تبعه باحسان الى يوم الدين اما بعد. اه النهاردة نبدأ اول درس مع بعض من دروس سيرة النبي محمد صلى الله عليه وسلم. وزي ما بدأنا في اول الاسبوع ده دراسة الفقه قلنا ليه ندرس فقه؟ هطرح نفس السؤال - 00:00:30 آا احنا ليه ندرس عقيدة؟ ان ندرس سيرة. انا النهاردة معي الدرس عبارة عن نقطتين. النقطة الاولانية ودي هنجري فيها بسرعة احنا ليه هندرس سيرة؟ اهم اهدافنا في دراسة سيرة النبي صلى الله عليه وسلم؟ النقطة الثانية ودي الاساس اللي عايزين نعرف حالة العالم - 00:00:50

قبل بعثة النبي محمد صلى الله عليه وسلم لاننا لو قدرت اعرف العالم كان عامل ازاي قبل بعثة النبي صلى الله عليه وسلم واحوال الخلق قبل بعثة النبي وسلم هعرف بالفعل قدر الدين اللي ربنا سبحانه وتعالى آا من علي به. والله در من قال من لم يعرف الجاهلية لم يعرف - 00:01:10

الاسلامي. دايما تجد الانسان اللي كان قبل التزامه صايع قوي بعيد قوي عن ربنا سبحانه وتعالى. ده اكتر انسان عارف ربنا سبحانه وتعالى نفس الحال الان في اوروبا تلاقى اقوى الناس التزاما الان على وجه الارض على وجه الارض تلاقى الغربيين. الغربي لما بيأسلم بيبقى اسلامه قوي جدا - 00:01:30

ان شاء الله ليه؟ لانه ذاق مراارة الجاهلية. تعالىوا بسرعة نخش في درس النهاردة. اول درس النهاردة او اول نقطة في درس النهاردة احنا ليه ندرس سيرة انت ليه جايين تدرسوا سيرة النبي صلى الله عليه وسلم؟ بنقول ندرس السيرة لاسباب كثيرة جدا. اول سبب منها ان انا اقدر افهم كتاب ربنا سبحانه وتعالى - 00:01:50

لان فيه عشرات ومئات من الایات اللي موجودة في القرآن اه بتتكلم عن سيرة النبي صلى الله عليه وسلم. وانا لما اقدر افهم هذه الایات هقدر افهم القرآن كويس جدا. لما اقرأ قول الله تبارك وتعالى آا ولما اصابتكم مصيبة قد اصبتكم مثلها قلتم ان هذا - 00:02:10

قل هو من عند انفسكم. الایات دي بتتكلم عن غزوة احد. واحنا بندرس غزوة احد كده. ونعرف ان فعلا اللي حصل للصحابة يوم احد كان فعلا مصيبة ان يقتل منهم سبعين ده غير اللي جرح. ده غير اللي حصل للنبي صلى الله عليه وسلم في اليوم ده فعلا كانت مصيبة. ان النبي تشجع - 00:02:30

وحلقتي المفتر تخش في وجنة النبي صلى الله عليه وسلم في خده يعني والدم ينزف على وجه النبي والدم ده كان لا يتوقف ابدا. فعلا كانت مصيبة. اولم ما اصابتكم مصيبة قد اصبتكم مثلها نعرف معناها واحنا بتتكلم عن احد اصبتكم مثلها يعني يوم بدر لان يوم بدرى انتم - 00:02:50

قتلتم للمشركين سبعين واسرتم منهم سبعين وانتم في احد اقتل منكم كم؟ سبعين. اصبتكم مثلها؟ قلتم ان هذا لي رب هذه العقوبة الشديدة يوم احد ربنا قال لهم كلوا من عند انفسكم لأن انتم خليفتوا امر النبي صلى الله عليه وسلم ونزلتم من على جبل الرماة -

يبقى انا النهاردة لما قدرت افهم النهاردة معنى او قدرت ادرس سيرة النبي صلى الله عليه وسلم في غزوة احد. هبدأ افهم معاني القرآن. قال الله سبحانه وتعالى اذ تستغيثون ربكم فاستجاب لكم اني ممدكم بالف من الملائكة مردفين. وما جعله الله الا بشرى -

00:03:30

به قلوبكم وما النصر الا من عند الله ان الله عزيز حكيم. اذ يغشكم العواص امنة منه وينزل اليكم من السماء ماء ليطهركم به وينذهب عنكم رجز الشيطان وليربط على قلوبكم ويثبت به -

00:03:50

ايات احنا بنقرأها في سورة الانفال. بس بتصر علينا كده مرور سريع. احنا مش عارفين ايه معناها؟ ان تستغيثون ربكم كنتم اذلة في 00:04:10
كنتم اصحاب مسكنة في غزوة بدر؟ الكل النهاردة قلبه معلق بالله رافع ايديه للسماء؟ طبعا انتم عدكم كان قليل -
جدا انتم كنتم تلتلمية وبضعة عشر يعني تلتلمية واربعة عشر تقربيا. وشافين جيش المشركين قدامكم قال انتم ما ع Kovosh سلاح وهم معهم السلاح انتم ما معكم مش اموال وهم معهم الاموال؟ انتم ما عندكم مش قوة وهم معهم القوة؟ انتم الارض اللي انتم نزلتم فيها ارض رملية مش هتقروا تتحرکوا عليها. وهم -

00:04:30

الارض اللي معهم ارض صلبة قوية ومعهم مخيل ومعهم الفرسان. ففي الوقت ده قلوبكم انكسرت. فلما قلوبكم انكسرت رفعتوا ايديكم لربنا وقعدتم تستغيسوا بالله سبحانه وتعالى وتدعون الله سبحانه وتعالى والله ايدكم ونصركم وارسل لكم الف من الملائكة -

00:04:50

الف من الملائكة مردسين يرفض وبعدهم بعضا. وتببدأ بقى تشووف بقى تفصيل بقى نزول الملائكة على الصحابة في هذا الوقت. خدت بالك وتشوف نص ربنا سبحانه وتعالى لما الصحابة رضوان الله عليهم على آآ صحيح من اقوال اهل العلم ان الصحابة ما كنش معهم ماء في هذا الوقت -

00:05:10

وكتير منهم جدا اصابته الجنابة. والعرق والغبار وتعانين وعطنانين ومحتجين مایة. وما فيش ماء الله سبحانه وتعالى ينزل عليكم من السماء ماء ليطهركم به من الجنابة اللي اصابتكم ليطهركم به وينذهب عنكم -

00:05:30

الشيطان هنعرف ان الشيطان بدأ يوسم للصحابه في هذا الوقت ويقول لهم انتم على الحق ومع ذلك ما ع Kovosh مال؟ انتم على الحق ومعكم مش قوة على الحق وتهلكوا دلوقت فانزل الله سبحانه وتعالى هذا الماء علشان يربط على قلوب الصحابة وينذهب هذا الرجس رجز الشيطان ووسوسة الشيطان -

00:05:50

وينذهب عنكم رجز الشيطان وليربط على قلوبكم ويثبت به الاقدام. تقرأ بقى في التفسير في معنى قول الله ويثبت الاقدام معنى عالي جدا. الصحابة ما كنش معهم خيل. وانتم عارفين زمان قبل التزامي لما كنت بلعب ملاكمه كان علشان يطولوا الناس -

00:06:10

بتاعنا لان الملاكمه عايزه نفس طوبل. كنا بنطلع معسكرات في اماكن ساحلية. كنا بنطلع رشيد مسلا نطلع اسكندرية نطلع مسلا راس نطلع جمصة ويخلونا مسلا نجري كتير جدا على الرمل. لان الجلي الجري على الرمل ده جري متعب جدا. يعني انت تجري كيلو على على -

00:06:30

يساوي عشرين كيلو في التراك مسلا. خدت بالك؟ فانتم هتجاهدوا وهتجاهدوا على ارض رملية. ارض رملية وما ع Kovosh خيل تحرک كمان؟ في المقابل ان جيش المشركين معه خيل بتتحرک حركة سريعة. فربنا سبحانه وتعالى من كرمه بكم ينزل من السماء ماء. هذا الماء ينزل على -

00:06:50

الارض الارض تشرب الماء الارض تكون صلبة. فلما تيجوا تتحرکوا تبقى حركتكم سهلة. لما تقرأ بقى في غزوة بدر وتشوف التفاصيل دي كلها ترجع بقى لسورة الانفال تلاقي ما شاء الله لا قوة الا بالله يعني آآ ما شاء الله بدأ بالفعل تفهم القرآن. لما ربنا سبحانه وتعالى يقول وقالوا -

00:07:10

لا تنفروا في الحرف قل نار جهنم اشد حرا. يا سلام! دي في غزوة تبوك. لما نرجع بقى لغزوة تبوك ان الحر في غزوة تبوك الحر لا

يتحمله انسان مش كده وبس هنقرأ كمان ان من غزوة تبوك ان من المدينة لحد تبوك سبعمية وثمانين كيلو الصحابة هياخدوها مشي؟

في - 00:07:30

تعرف يعني ايه؟ قل نار جهنم اشد حرا. لما تقرأ باقي دور المخالفين في غزوة تبوك وهم عملوا ايه؟ حاجة حاجة غير طبيعية حاجة غير طبيعية. يبقى لما هتدرس السيرة هتفهم عشرات ومئات من ايات القرآن. هتفهم عشرات - 00:07:50

ومئات من ايات القرآن ولو لم يكن من فضل السيرة الا الفضل ده ان انت هترزداد ارتباط بالله سبحانه وتعالى هترتبط اكتر بالقرآن هترتبط اكتر ايات هتفهم اكتر كتاب ربنا سبحانه وتعالى يكفيانا من السيرة هذا المعنى. الامر الثاني احنا عايزين ندرس السيرة علشان - 00:08:10

نعرف كيف ثبتت في اوقات الفتنة؟ احنا حبابي ربنا سبحانه وتعالى من حكمته في القرآن ذكر لنا قصص الصادقين. من الانبياء والصالحين ذكرهم لنا الهدف او الاهداف كثيرة من اهم هذه الاهداف آآ تثبيت قلوب الناس. تثبيت قلوب الناس - 00:08:30
عبد الله تثبيت قلوب الناس. قال الله سبحانه وتعالى نقص عليك من انباء الرسل ها؟ ما ثبتت به فؤادك. فربنا سبحانه وتعالى ذكر لنا قصص سابقين علشان يكون ده تثبيت لقلوب المؤمنين. نفس الكلام. احنا في كثير من الاوقات بتمر علينا مراحل هي نفس المراحل اللي مر بها الصحابة قبل ذلك - 00:08:50

عايزين نعرف هم سبتو ازاي على ازاي على الحق؟ ازاي ثبتو في اوقات الفتنة؟ يعني مسلا الصحابة رضوان الله عليهم في غزوة الخندق لما هم بقوا بين آآ يعني بيقولوا ايه؟ آآ فكيه كمامشة. المشركين بجيشه قدره عشر تلاف مقاتل - 00:09:20
قادم الخندق. والمؤمنين محتاجين انهم يحرسوا الخندق. والمشركين في واليهود في ضهرهم يهود بني قريظة كانوا في ضهرهم غدروا ونقضوا العهد وكانوا عايزين يروحوا يقتلوا النساء والاطفال والشيوخ. يا ترى هم ثبتو في الوقت ده ازاي؟ ثبتو في - 00:09:40

ازاي؟ آآ في المرحلة دي لما ربنا سبحانه وتعالى يقول النوبة جاءتهم جلود من فوقهم ومن اسفل منهم من اسفل منهم وجاءت الريح هبت الدنيا دي كلها والعواصف والدنيا اتقلبت كده. هم سبتو ازاي؟ لما كان جابر رضي الله عنه بيقول ان كان الجو شديد البرودة - 00:10:00

كنا في مجاعة شديدة وظللنا ثلاثة ايام لا نذوق ذواقا. بقى لنا تلات ايام ما بنأكلش حاجة. ومع ذلك بنحفر وخدنقد. هم ثبتو ازاي لما نسمع كده ان النبي كان بيسبتهم وهو ببنادي عليهم بيقول اللهم لا عيش الا عيش الآخرة. فانصر الانصار والهاجرة - 00:10:20
اغفر للانصار والهاجرة وهم يردوا عليه ويقولوا له اللهم لولا انت ما اهتدينا ولا تصدقنا ولا صلينا فانزلنا سكينة علينا ثبت الاصدام الا قينك. ان الاولى قد بغو علينا. الاولى اللي هم المشركين يعني. الصحابة ثبتو ازاي؟ الصحابة في المرحلة الاولى المرحلة - 00:10:40
المكية. ثبتو ازاي؟ ثبتو الزيف في العذاب. بلال اللي كان بيطاب به في شعاب مكة. هو ثبت ازاي امام هذا العذاب الشديد ثبتو ازاي؟ يعني انا هقول لكم حاجة لو انا النهاردة اتلسعـت بالنصـ. ايه اللي بيحصل في صبـي؟ صبـي ده بـيربـا صـح كـده - 00:11:00
متخيـل اـن صـبـي دـه او كـفـي دـه لـما اـتـحرـق بـرـبـا كـدـه عـمـل كـرـات مـيـه وـطـلـعـت اـنـا السـاعـة اـتـنـيـن الصـفـرـ. هـنـا قـدـام المسـجـد وـحـطـيـت ايـديـ على الاسـفـل وـقـلـت لمـحـمـود اـقـف عـلـى ايـديـا وـواـحـد عـمـال يـشـد ايـديـا عـلـى الرـمـل بـتـاعـ - 00:11:20

اسفلـت وـسـجـبـها لـمـدة مـسـلـا مـتـر وـاحـد. وـفـيه وـاحـد وـاقـف عـلـى ايـديـا وـاـنـا ايـديـا دـي بـتـجـرـ كـدـه. ايـديـا دـي بـقـى شـكـلـها اـيـه هـا تـخـيـلـتـ؟ هـو دـه ضـهـرـ بـلالـ. بـلالـ كانـوا بـالـهـارـ. اـزـا الشـمـس اـشـتـدـت طـلـعـه عـلـى الشـمـس وـحـطـوـا عـلـى صـدـرـه الصـخـرـ - 00:11:40
لـحدـ ما ضـهـرـه يـتـحرـقـ بـرـبـا يعني يـرـبـا يـطـوـفـ فيـ خـيـلـ وـيـطـوـفـ بـه فيـ شـعـابـ مـكـة وـشـعـابـ مـكـة صـخـرـية خـدـتـ بالـكـ يـطـوـفـوا بـه يـلـفـوا بـه بـقـى عـلـى ضـهـرـه كـدـه. طـبـ ضـهـرـ بـلالـ كانـ عـاـمـل اـزـايـ؟ خـبـابـ رـضـيـ اللهـ عـنـهـ - 00:12:00

ازاي؟ يعني تخـيلـ عمرـ بـقـوةـ عمرـ. عمرـ فيـ يـوـمـ قـاـعـدـ معـ الصـحـابـةـ فيـ زـمـنـ خـلـافـتـهـ. فـعـمـالـيـنـ بـقـى يـفـتـكـرـواـ الليـ كانـ بـيـحـصـلـ لهمـ فيـ مـكـةـ لماـ قالـ لهمـ تحـبـواـ اـورـيـكـمـ اـنـا ايـهـ الليـ كانـ بـيـحـصـلـ لـيـ فيـ مـكـةـ؟ يعنيـ اـنـتـ تـخـيـلـ يعنيـ دـهـ بـعـدـ مـسـلـاـ يعنيـ مـسـلـاـ اـيـهـ؟ آآـهـ اـتـعـزـبـواـ - 00:12:20

في اول ثلاث اربع سنوات من الدعوة يعني عدي عشر سنوات وبعد كده عشر سنوات من في المدينة ادي عشرين سنة وخلافة ابو بكر كانت سنتين ادي اتنين وعشرين سنة يعني خباب بيحكي مشكلة كانت موجودة فيه او مشكلة هو عاشهما من اتنين وعشرين سنة. يعني اتنين وعشرين سنة اي - 00:12:40

في اثر العذاب هيكون راح. هيكون انتهى. ومع ذلك خباب يكشف بس ضهره كده للصحابة فيخر عمر مغشيا عليه. امال لو عمر كان شافه ايام اللي حضرتك كان عمل ايه؟ اوصل من هنا لنقطة هو خباب صبر ازاي؟ ايه الاشياء اللي كان النبي بيصبر بها الصحابة في الوقت ده - 00:13:00

الاشياء دي اللي هنفق عليها من خلال السيرة. لما اقف معها ما شاء الله انا هنا ايماني يزداد جدا. وفي نفس الوقت مهمها كانت الفتن اللي انا هقع انا ان شاء الله اثبت واصبر كما صبر هؤلاء. زي ما كان ربنا بيقول للنبي فاصبر كما صبر ها؟ اولي العزم من الرسل - 00:13:20

يبقى اذا انت مش هتصبر غير لما تقرأ سيرة دول. مش هتصبر غير لما تقرأ سيرة دول. لما ت Shawf المواقف اللي هم اتحطوا فيها وقد ايه صبروا شوف ازاي النبي كان بيصبرهم ان شاء الله نصبر. ثلاثة اصبر اتعلم السيرة علشان اعرف - 00:13:40 ازاي اعيد مجد الاسلام من جديد؟ بيقولوا على الفترة اللي كانت قبل الاسلام هي فترة انتشار البشرية الفترة اللي كانت قبل الاسلام هي الفترة اللي كانت البشرية فيها بتنتحر. ليه؟ نسي الانسان ربها - 00:14:00

الانسان اخرته. نسي الانسان لاي شيء خلق. خلق. الانسان كان عامل بالزبطة زي البهائم بل اضل. زي مسلا هنعرف ان شاء الله لما نعرف ان الواحد هيخرج يقامر بزوجته واولاده. ده ايه ده! وهنعرف كما روى الدريري في سنته - 00:14:20 عشان اقول لك الانسان وصل لاي معركت الحياة. يأتي رجل الى النبي صلى الله عليه وسلم فقال يا رسول الله جئت اسألك سؤالا انا جاي اسألك سؤال واحد - 00:14:40

انني كنت في الجاهلية لي بنتا تركتها حتى كانت تجيب. يعني البنت ستها ما موطهاش كعادة العرب لحد ما البنت بدأت تجيب. وكان يسرها ندائى عليها. كان بيفرحها قوي ان انا لما انادي عليها انادي لها - 00:14:50 واني ناديت عليها ذات يوم فاخذتها فقذفتها في بئس. فكان اخر ما سمعت منها يا ابتابا يا ابتابا قال قال فبكى رسول الله صلى الله عليه وسلم اي قلب ده؟ اي قلب ده - 00:15:10

بنته بتجرى عليه وفرحانة ان هو بىنادى عليها وياخدتها يزقها في البئر ينضمها يموتها. ويأتي ثابت او احد احد الناس اللي ادركتوا الجاهلية والاسلام بيجي يقول للنبي يا رسول الله بيدي هذه في الجاهلية تسعه بنات. قتلت بايديها دول تسع بنات في الجاهلية. الجاهلية - 00:15:30

كانت في هذا الوقت بتحضر. الله لما اطلق اسم على الوقت ده سماه جاهلية. لأن ما ينفعش يطلق عليها الا كده. سماها جاهلية سبحان الله! سبحان الله! ومع ذلك ومع ذلك من ظل هذا الركام الهائل من التخلف والجهل والظلم - 00:15:50 والكفر والعياذ بالله خرج الدين وخرج الاسلام واعز الله عز وجل دينه ونصر الله نبيه. طب يا ترى هو ربنا نصر النبي بایه؟ هل نصره بجنود نزلت من السماء ولا كان فيه جنود في الارض؟ ربنا اعز الاسلام في هذا الوقت بایه؟ السيرة - 00:16:10 على الملامح دي. توقف على اهم الملامح التي بها اعز الله عز وجل الاسلام. ونصر الله سبحانه وتعالى آبه هذا الدين اربعة ندرس السيرة ليه؟ ندرس السيرة علشان احنا هنعيش الصحابة. هنعيش مع ابي بكر وانفاقه - 00:16:30 هنعيش مع ابو بكر ودفعه عن النبي. هنعيش مع ابي بكر وبذله من اجل الدين. وهنعيش مع عمر ونصرته للدين. ونشوف قد ايه عمر كان عز لهذا الدين. هنفق مع عثمان وبذلوا المال كل المال لاجل هذا الدين. هنفق مع علي وشجاعته. هنفق مع طلحة الخير - 00:16:50

هقف مع طلحة الجoward. هنفق مع حواري رسول الله وامين هذه الامة. هنفق مع طلحة والزبير وسعد وسعيد. هنفق مع هؤلاء الابطال ولما نقف معهم نحبهم. ولما نحبهم ننال اعظم كرامة من الممكن ان يمن الله سبحانه وتعالى بها علينا - 00:17:10

االا وهي ان ربنا سبحانه وتعالى يحشرنا معهم يوم القيمة؟ ليه ندرس السيرة؟ علشان نرق قلوبنا ونوصلها اكتر بالله سبحانه وتعالى. في كتير من الاوقات دراسة الفقه ومصطلح الحديث. واصول الفقه وهذه المواد بتجعل القلب فيه - 00:17:30 جفوة في قسوة. انما السيرة من المواد اللي ترق لنا قلوبنا. وتربيتنا اكتر بالله سبحانه وتعالى. من اجل ذلك لابن الجوزي الله يقولرأيت الاشتغال بالفقه وسماع الحديث لا يكاد يكفيان ابداً لصلاح القلب الا ان يمزج هذا بشيء من - 00:17:50 دقائق وسير الصالحين. فعلا لما ندرس سيرهم قلوبنا ترق. لما ندرس سيرة النبي صلى الله عليه وسلم قلوبنا ترق واحوالنا هتتغير تماماً علشان كده كان سلفنا صالح بيهموا جداً بتعليم الناس السيرة. زي ما كانوا بيهموا جداً بتعليمهم القرآن. يعني علي بن الحسين زين العابدين كان يقول - 00:18:10

كنا نعلم اولادنا المغازي وسيرة النبي صلى الله عليه وسلم كما نعلمهم السورة من القرآن. زي ما بنعلمه قل هو الله احده كنا بنعلمه سيرة النبي صلى الله عليه وسلم. ليه - 00:18:30

علشان نرق قلوبهم ونوصلهم اكتر بايه؟ بسيرة النبي محمد اه صلى الله عليه وسلم. كان ابن عباس بيخص كل يوم جزء من حياة جزء من يومه لتعليم الناس سيرة النبي صلى الله عليه وسلم. وكان الامام الزهري رحمة الله يقول علم السير هو علم الدنيا والآخرة. علم السير علم الدنيا والآخرة - 00:18:40

ليه نتعلم السيرة؟ نتعلم السيرة كمان يا شباب؟ لان السيرة هتدينا عشرات ومئات من العلوم اه اللي احنا محتاجينها اللي اسناء دراستنا للسيرة هنتعلم فقه. اسباب دراستنا للسيرة هنتعلم عقيدة. اسناء دراستنا للسيرة اه هنتعلم ادب. اسناء دراستنا للسيرة هنأخذ - 00:19:00

السيرة هنتعلم بلاغة. كل العلوم الشرعية في قلب السيرة. يعني مثلاً هنعرف ان النبي صلى الله عليه وسلم في غزوة تبوك اه لما قال لبلاط يا بلاط او مسل في غزوة الخندق. لما النبي شغل هو والصحابة عن بسبب حراسة الخندق انه يصلی العصر والمغرب - 00:19:20

المغرب والعشاء وارسل الله الريح فاكفأ قدورهم واقتلت خيامهم رد الله المشركين ردهم الله بغيظهم لم ينالوا خيراً وكفى الله المؤمنين القتال. هنعرف هنا حكم فقهى ان الانسان لو فاته اكتر من صلاة يصلحها على الترتيب. هنعرف الكلام ده منين؟ ان النبي صلى - 00:19:40

غزوة الخندق صلى امر بلاط انه يؤذن ثم اقام فصلى العصر ثم اقام فصلى المغرب ثم اقام فصلى النبي صلى الله عليه وسلم العشاء هناخد هنا يا جماعة ده حكم فقهى ان اللي يفوته اكتر من صلوات ان الصلوات دي تكون على الترتيب وان اللي يفوته صلاة ما يقولش انا هاجي لها لثاني يوم اصلى انا ضاع مني المغرب اصلحه ثانى يوم مع المغرب - 00:20:00 هو النبي اجلها ثانية يوم ولا الصلاة على طول؟ صلاتها فوراً صلى الله عليه وسلم. يبقى هناخد ده حكم فقهى من الاحكام اللي هتقابلينا. خدت بالك؟ هنتعلم كمان النابوت كمان شعر وادب. نشوف الاشعار اللي النبي صلى الله عليه وسلم تكلم بها. الاشعار اللي هي بتتكلم بها في حنين. والاشعار النبي كان بيرتكز بها وهو بيبني المسجد - 00:20:20

والاشعار اللي كان النبي بيقولها هو بيحرف الخندق ما شاء الله ادي ادب. هنتعلم كمان عقيدة ودي اكتر الاشياء اللي هندرسها اسناء دراستنا للسيرة ناخذ اشياء كده متعلقة بالعقيدة. ما شاء الله لا قوة الا بالله. فعلم السيرة مش علم واحد. ده علوم متنوعة متشعبة. كل ده احنا هناخد ده فين؟ اسناء دراستنا. ليه - 00:20:40

كذلك ايضاً هندرس سيرة علشان كمان آآا يزداد تعلقنا بالنبي محمد صلى الله عليه وسلم احنا امورنا ان احنا نقتدي به صح؟ طب ازاي هنقتدي به واحنا مش عارفين سيرته اصلاً؟ ازاي نقتدي بهم لو سألت دلوقتي مين اللي - 00:21:00

كلنا النبي كان عنده كم ولد وبنات؟ ها؟ سبعة قلهم نتلخبط فيهم هيتلخبط فيهم. اه ده ولاد النبي. ده ولاد النبي. طب لأ ده احنا الهاهارة هندرس سيرة علشان نقف مع الحاجات دي. علشان نعرف كل ما يتعلق - 00:21:20

النبي صلى الله عليه وسلم هو النبي كان في بيته بيعامل مع زوج ازواجه وابناته ازاي؟ زوجاته وابناته ازاي؟ النبي صلى الله عليه

وسلم كان بيتعامل مع الناس ازاي؟ النبي كان كفائد - 00:21:40

بيتعامل ازاي؟ النبي كان في الشارع بيعمل ايه؟ النبي صلى الله عليه وسلم في الحرب كان بيعمل ايه؟ النبي في السلم كان بيعمل ايه؟ اخلاقه كانت ايه؟ طباعه كانت ايه؟ احواله كانت ايه - 00:21:50

دراسة الصيرة هتلخليك واقف مع النبي في كل احوال النبي صلى الله عليه وسلم. وبالتالي تتعلم منه. وبالتالي تقتندي به. وبالتالي يزداد حبك للنبي صلى الله عليه وسلم وبالتالي يكمل ايمانك لأن العبد لا يكمل ايمانه حتى يكون حب النبي صلى الله عليه وسلم هو رقم واحد في حياته بعد حبه لله - 00:22:00

سبحانه وتعالى. آآ كذلك ايضا نية السيرة نختم بقى بالجزئية دي عشان نخش بقى في النقطة الثانية ندرس السيرة يا جماعة لأن السيرة منهج حياة للفرد وللمجتمع. السيرة دي مش هناخدتها ان هي قصص هنحكي قصص لا لا لا. السيرة دي منهج حياة لنا كلنا - 00:22:20

منهج حياة للفرد والمجتمع. معين رائق لفهم الشريعة الاسلامية وصورة صحيحة لاعظم منهج شهدته الارض. ليه لأن هي تعتبر عن تاريخ افضل رسول الله وخير من سار على الارض. لأنها تمثل حياة النبي محمد - 00:22:40

الله عليه وسلم. طيب حال العرب كانوا عاملين ازاي قبل بعثة النبي صلى الله عليه وسلم حال العرب او العالم قبل بعثة النبي صلى الله عليه وسلم زي ما قلت لكم هو عبارة عن - 00:23:00

الجثة لحيوان تعفن. ده كان حال العالم. الطمس نور النبوة الاديان حرفت. اليهودية والنصرانية حرفت. ولم يبقى منهم الا قلة قليلة في صومعة هنا وفي معبد هنا وراهب هنا وعايد هنا. والباقي اديان حرفه - 00:23:20

حتى دين ابراهيم عليه الصلاة والسلام حرف وبده وغير كل ما ورثه العرب من دين ابراهيم حرفوه وغيروه. حتى اعظم ما كان في دين ابراهيم اتغير واتحرف. عليه الصلاة والسلام - 00:23:50

اعظم ما كان في دين ابراهيم تعظيم بيت الله الحرام والطواف حول بيت الله الحرام. حرف وبده وغيره. يعني شف حتى البقية البقية دين ابراهيم اتحرفت. ولك ان تتخيل ان العرب لما ورثوا ده عن ابيهم ابراهيم كان العرب - 00:24:10

يطوفون حول البيت عراة عراة يعني مش عاري يعني لابس حاجة تستر العورة والباقي جسمه عاري لأ عاري تماما حتى كانت المرأة تطوف بالبيت عارية. وهي ترتجز بهذا البيت اليوم يبدو كله - 00:24:30

او بعضه يعني عورتها وما يبدو منه فلا احله. عشان كده النبي صلى الله عليه وسلم لما اراد انه يفتح مكة ارد ان يطوف بالبيت في حجة الوداع ارسل ابا بكر في سنة تسعه بکده الا يطوف بالبيت بعد اليوم عربانا. ما حدش عايز - 00:24:50

البيت عاري. ده ليه؟ يقول لك اصل الثياب دي احنا عصينا ربنا فيها فما ينفعش ان احنا نطوف حوالين بيت الله الحرام بثياب عصينا ربنا فيها. عارف اللي متمثل بيقول لك جه كحلها عماها ده جاي كحالها قتلها. يعني ايه ده؟ ايه ايه؟ ده ديكة عقولهم. والعياذ بالله - 00:25:10

يعني لو بصينا على الاديان عبدوا الاصنام من دون الله سبحانه وتعالى. النبي في اليوم اللي دخل فيه الكعبة اليوم اللي دخل فيه الكعبة اه في فتح مكة النبي صلى الله عليه وسلم هدم تلميمية وستين صنم. تلميمية وستين صنم حوالين بيت الله الحرام - 00:25:30

يعني اه يقول الحديث في البخاري يقول ابو رجاء العطاردي كنا نعبد الحجر. شف حال الناس لما طمست الرسالة وطمسست تعاليم الدين الناس عقولها وصلت فين؟ ما فيش عقول. يقول ابو عطاء ابو رجاء العطاري دي الحديث في البخاري كنا نعبد الحجر. فاذا وجدت - 00:25:50

ان حجرا هو اخير منه افضل منه القيناه واخذنا الاخر. طب فاذا لم نجد حجرا جمعنا جثوة من تراب جمعنا شوية تراب واخذنا الشاة فحلبناها عليه ثم طسنا به. تخيل العقل البشري وصل لاي درجة من درجات الانحطاط - 00:26:10

يعبد حجر لو وجد حجر اعظم منه يرمي الاولاني ويمسك الثاني يعبد من دون الله. مش لاق حجارة يعبدها من دون الله يجيب شوية تراب ويجب شاي يحلبها عليها ويصنع لنفسه تمثال يعبد من دون الله. بل خد ما هو اعجب من ذلك. عن الاعمش -

عن مجاهد قال حدثني مولاي ان اهله بعثوا معه بقدح فيه زبد وبن الى الهتهم بشوية زبدة وشوية لبن رح تقرب بده للالهه بتاعتنا.
قال فمعنى ان اكل من الزبد - 00:26:50

مخافتها. انا من شدة خوفي من الاصنام خفت ان انا اكل الزبدة كده طعمها جميل عايز اخذ اي حاجة كده. بس انا خايف من الالهه
شف لاي عقل لاي درجة وصل العقل بتاعه. فجاء كلب فاكل الزبد وشرب اللبن. ثم - 00:27:10

على الصنم وهو ايساف ونائلة. سبحان الله! سبحان الله! لهذه الدرجة بل روى الامام احمد في مسنده من طريق السائل بن عبدالله انه
قال كان لي في الجاهلية حجر نحته بيدي لاعبده - 00:27:30

يعني جاب حجر ونحته علشان يعده من دون الله سبحانه وتعالى. فكنت اجيء باللبن فاصبه عليه. وانام ده شيء من التكريم يعني.
فيجيء الكلب فيلحسه ثم يشغل قدمه فيبول عليه. وينظر الى الصنم - 00:27:50

ولا يستطيع ان يدفع شيئا عن نفسه ومع ذلك عقله ما زال مسيطر يعني اللي مسيطر على عقله ان هذا الله يعبد من دون الله سبحانه
وتعالى انتم عارفين قصة عمرو بن الجموح هنعرفها ان شاء الله في في واحنا بنتكلم لما النبي صلى الله عليه وسلم يوصل للمدينة ان
عمرو ابن الجموح كان من سادة الانصار - 00:28:10

وكان اطفال الانصار نفسهم يدخلوه في الاسلام. فكان له صنم يعبد من دون الله. مدينة دخل فيها النور. فكان الاطفال دول ايه يدوا
له درس كده يقولوا له ده صنم ما ينفعكش في حاجة. فكانوا اذا نام عمرو ابن الجموح يطلع جري فين؟ يطلع جري - 00:28:30

الاولاد يردوا من على السور بتاع البيت ويخشوا ياخدوا التمسال بتاع عمرو ابن الجموح ويروحوا على مكان كان ينفوظ فيه الانصار
التمسال ده وينكسوه كده بقلب راسه في قلب الغائط. يقوم عمرو ابن الجموح بالنهار بقى يدور الصنم بتاعي فين؟ الله
بتاعي فين - 00:28:50

دور عليه يمين وشمال مش لاقي الصنم. اللي حد ما يوصل هناك وهو بيقضى حاجته يلاقي الصنم فين؟ منكس الرأس في قلب
الغائط. فياخدوه وينضفه كده ويطبيه ويسلام له ويقول له انا اسف وحقك علي غلطانين في حرق الناس مش عارفين مقدارك. تاني
يوم الولاد يعرفوا. يذروه حتى - 00:29:10

السلام يروح بسرعة ينط من فوق السور ويأخذوا التمسال وينكسوا راسه في الغائط. يدور عليه فخلاص بقى هو فهم وعرف راح
فين في دور عليه في الغائط فيجده منكس الرأس في قلب الغائط. ياخدوه ويظهره وينضفه ويسلام له واحنا اسفين وحقك
علينا. في اليوم الثالث - 00:29:30

وقف مع نفسه هي هي دي الوقفة بس. هي دي الوقفة اللي احنا هنندي عليها من خلال السيرة. ان شبابنا يقفوا الوقفة دي لان والله
في زماننا ده عقول كعاقل عمرو ابن الجموح في نفس الوقت ده. والله العظيم. سبحان الله! عمرو ابن الجموح عمل ايه؟ قام وضع في
رقبة هذا التمسال - 00:29:50

وقال له دافع عن نفسك. يلا يا بطل. ورينا نفسك. دافع عن نفسك. فالاولاد تاني يوم دام عمرو ابن الجموح نط على السور خدوا الصنم
لقوا رقبته ايه؟ سيف. قاموا جايبيين جايبيين ميته كلب. كلب ميت. وربطوه في عنق هذا في عنق هذا - 00:30:10

الصنم ونكسوه على رأسه فقال والله لو كنت الها لدافعت عن نفسك. واسلم عمرو ابن الجموح رضي الله عنه شف العقل البشري وصل
لاي درجة من الانحطاط امتى؟ لما غابت نور لما غاب نور الرسالة على الارض. كل قبيلة اخذت لنفسها صنمها تعبدده - 00:30:30

من دون الله. مثلا هزيل اخذت لنفسها سواع. آآ كلب اخذ قبيلة كلب اخذت نفسها واد. آآ حمير اخذ مصر خزانة اخذت ايهاب
ائساف ونائلة ثقيل اخذت اللاتي. انتشرت سبحان الله هذه الاصنام في ربوع العرب - 00:30:50

اعبدوها من دون الله يلتجأون اليها من دون الله. ولو حد وقف معهم وقال لهم يعني هذه لا تنفع ولا تضر. قالوا بل وجدنا لها عابدين
سبحان الله سبحان الله فهذه كانت الديانات اللي كانت موجودة عند العرب في الجاهلية عبدت الشمس من دون الله عبد القمر -

من دون الله عبدت النجوم من دون الله. في قلب جزيرة العرب. سبحانه يا رب! سبحانه يا رب! ضاع الدين! وضاعت شمس النبوة وضاعت تعاليم الرسل السابقين حرفت الاديان. حتى دين ابراهيم حرف. غيروا وحرفوا وبدلوا في دين ابراهيم. عليه الصلاة والسلام

- 00:31:30 -

عبادة الشمس تسربت اليهم من المجروس. عبادة الشمس تسربت اليه من المجروس. عظموا هذه الاصنام. عظموا كانوا يذبحون لها يستغفرون بها يرجعون اليها في الصغار والكبار صنم صنم صنم. تخيل فين العقل البشري - 00:31:50 -

ماتت العقول وضاعت العقول. سبحانه الله! هذه كانت عبادتهم. تخيل! ده كان حال العرب قبلبعثة النبي صلى الله عليه وسلم من حيث الاديان خرافات سيطرت على عقولهم سحر الشعوذة الكهانة كل ده يسيطر على عقول - 00:32:10 -

سبحان الله! الاخلاق يا الله! ضاعت فيهم الاخلاق انهارت الاخلاق. ما كنش فيه اخلاق اصلا. اذا سألت عن حال المرأة لا قيمة لها اصلا كما قال عمر. عمر كما يقول في صحيح البخاري وكانت المرأة قبل الاسلام لا نعدها شيئا. سقط متاح. سبحانه - 00:32:30 -

المرأة ربنا سبحانه وتعالى لما حب يقول لنا حال المرأة في الجاهلية ايه؟ قال ولا تبرجن تبرج الجاهلية. المرأة كان اهم حاجة عندنا في الجاهلية جمالها ودلالها وحسن جسمها والزينة اللي بتنتzin بها. فربنا سبحانه وتعالى خطب نساء المؤمنين - 00:33:00 -

وقال لهن ولا تبرجن تبرج الجاهلية الاولى. المرأة كان اهم حاجة تظهر الصيغة بتاعتتها وتخرج وسط الرجال. ولا تبرجن تبرج الجاهلية بيقول لك قال اهل التفسير كانت المرأة تخرج تمشي بين رجال متكسرة. تمشي كده عمالة تتخلع كده كعب عالي يعني. بتتشخلع بين الرجال. وقال بعض - 00:33:20 -

كانت تظهر عنقها تظهر العنق كده. وبعدهم كانت تقول كانوا بتشد الدرع بتاعها كده الايشارب بتاعها يعني علشان صدرها يظهر امام الناس سبحانه الله! طب ما هي الجاهلية دي عادت مرة تانية. ومحتجين تاني ان احنا نقول للناس ولا تبرجن تبرج الجاهلية - 00:33:40 -

الاولى ما فيش امرأة الا وكان لها صاحب وخليل وواحد تحبه لاجل ذلك قال الله سبحانه وتعالى محسنات غير مسافحات ولا متخذات اخذان. ده كان حال النساء في الجاهلية. كل واحدة لها صاحبها - 00:34:00 -

وحبيها العشق اللي انتشر في الجاهلية ومصاحبة الرجال للنساء ونساء للرجال. الكلام ده اللي كان موجود في الجاهلية بصورة غير طبيعية. غير طبيعية ربنا بعد كده قال للمؤمنين خدوا بالكم يا مؤمنين ما ينفعش ابدا انسان مؤمن موحد لما ييجي يتزوج امرأة كان لها علاقات قبل كده. ولكن لما تيجي تتزوج - 00:34:20 -

تزوج المرأة المحصنة محسنات امرأة شريفة عفيفة محسنات غير مسافحات ولا متخذات اقدام يعني عشاق ما كنش لها حبيب قبل كده. وربنا لما قال للمؤمنات خدوا بالكم يا مؤمنات. لما تيجوا تتزوجوا اختاروا المؤمن محسنون غير مسافحين ولا متخذين - 00:34:40 -

في اقدام لان الاسلام مش عايز ده. دي حاجات الجاهلية والعياذ بالله. حاجات ما قبل الاسلام. انما الاسلام عفة وعفاف وادب وخلق سبحانه الله! في الجاهلية الاخلاق يعني شرب الخمر انتشر بصورة غير طبيعية. انتشر بصورة غير طبيعية. بل كان - 00:35:00 -

بينهم وبين بعض بيتفاخروا بكثرة شرب الخمر. بكثرة شرب الخمر. سبحانه الله انتشرت بصورة لا يتخالى الانسان ما فيش مجلس من مجالس العرب الا وكان مليء بالخمس. ملي بالخمس. مجالس القماش والمقاومة - 00:35:20 -

انتشرت جدا عند العرب في الجاهلية. لدرجة ان هي المقامرة دي كانت من مفاخر الجاهلية. الواحد كان لما يحب يفتخرب حاجة كان بيفتخرب بمثل هذه الامور. يفتخرب بمثل انه كان بيقماش. بل كان رجل يقامر على زوجته ويقامر على اولاده - 00:35:40 -

يا الله! دي اخلاقهم! ايوة كانت دي اخلاقهم. قتل! خيانة! غدوس سرقات زنا وفواحش والعياذ بالله. انتشرت بصورة لا يدخلها الانسان. سيدنا جعفر رضي الله عنه واحنا بنتكلم احنا هنتكلم على هجرة الحبشة لما جعفر وقف بين يدي نجاشي بيقول له ايها الملك انا كنا

في جاهلية وشر - 00:36:00 -

الاصنام ونأكل الميتة ونسيء الجوار. ونقطع الارحام. ويأكل القوي من الضعيف حتى بعث الله علينا رسولنا منا. نعرف صدقه وامانته.

فأمرنا بالصدق والعفاف والصلة وامرنا ان نعبد الله ولا نشرك به شيئا. وامرنا باقام الصلاة وايتماء الزكاة وصوم رمضان. بيصور حال

الجاهلية - 00:36:30

اللي كانوا عايشين فيها. بيصور حالة الانحطاط اللي كان وصل العرب اليها. سيدنا حذيفة بيقول كان الناس يسألون رسول الله عن الخير كت اسئلته عن الشر مخافة ان يدركني. واني ادركته ذات يوم فقلت يا رسول الله انا كنا في جاهلية وشر - 00:37:00

هل بعد هذا وحتى اتنا الله بك ؟ فاتى الله بهذا الخير. الشر اللي احنا كنا عايشين فيه يا رسول الله. حتى احبابي العلاقات بين الناس العلاقات بين الناس ساءت جدا بصورة لا يتخيلها انسان. حتى علاقة الرجل باقرب الناس له. اقرب الناس له العلاقات دي ساءت جدا - 00:37:20

يعني علاقة الرجل باولاده سئت جدا. علاقة الرجل باولاده يقتلهم. خشية الفقر علاقة الرجل بالبنات يا ايدهم يقتلهم. خشية العوف. قال الله سبحانه و اذا المؤدة سئلت باي ذنب قتلت ؟ ولما يجي واحد بس منهم كده يقول للنبي يا رسول الله انا وندت في الجاهلية تسع بنات لوحده بس. قتل تسع بنات - 00:37:40

الوف وكتفين عقولهم كتفين اخلاقهم كتفين ما هي دي المشكك لما بيغيب الدين الدين لما بيغيب الناس بتبقى كده زي حالة الحالة اللي احنا عايشينها الان. حالة الهمجية اللي احنا عايشينها الان لان الدين غاب عن حياة الناس. شمس الرسالة غابت عن - 00:38:10 عن حياة الناس. آ قال الله سبحانه و لا تقتلوا اولادكم خشية املاك. علاقة الرجل بالمرأة سبحان الله المرأة يعني الزواج الزواج في زاته كالفواحش. السيدة عائشة رضي الله عنها تقول كان الزواج في الجاهلية على اربعة اخاء. اربع سور. السورة الاولى نكاح نكاح الناس اليوم. زي زواج النهاردة بالزبط - 00:38:30

النكاح الثاني وهو نكاح الاستطابع. يعني ايه نكاح الاستطابع ؟ واحد مسلا جسمه ضعيف نحيف. وعازب ابنته مقتول العضلات قوي كده. فيننظر الى اقوى رجل في القبيلة. يخلي مراته معه تماما. بمجرد ما تطهر المرأة من حيضها - 00:39:00

بيعت هذه المرأة بيعت زوجته اغلى ما يملك. بيعت عرضه شرفه. يرسلها لهذا الرجل. فتمكث عنده ولا تأتي من الا بعد ان تكون قد حملت من هذا الرجل. وبعد كده المرأة دي لما تولد ينسب هذا الرجل للزوج الاول. فين كرامتك - 00:39:20

فين خوفك على عرضك ؟ وده كان زواج معروف مشهور جدا عند العرب. زواج. ولو واحد تزوج النهاردة زواج عادي. حد ينكر عليه ؟ ده كان زواج ما حدش ينكر على حد فيه. ونكاح اخر وهو النكاح ان المرأة تتزوج بعشرة من الرجال. الحديث صحيح البخاري - 00:39:40

يشترك العشرة من الرجال في امرأة واحدة. طب وبعد كده لو ولدت ينسب لمين ؟ يأتون بامرأة كانت بتسمى بالقاف تنظر في رجلين الطفل وتتنزه في رجلين الآباء وتقول ده ابن فلان. وكان هناك نكاح اخر وهو نكاح البغايا. وكانت المرأة ترفع على بيتها علما او - 00:40:00

ارفع رايك فاذا رأها رجال يدخل عليها من شاء. وكان نكاح معروف في الجاهلية. سبحان الله ! نلحظ لا اقول لا كرامة لا خوف على العرض. ابدا ابدا والله. حتى لما يحب يطلق المرأة - 00:40:20

المرأة يعني لون يطلقها ميت الف مرة. طالما فترة العدة يرجعها. لحد ما ربنا قال لا ده لا يتناسب الادب مع كرامة المرأة. الطلاق مرتان امساك معروف او تسرير باجسام. لو طلقها الف مرة فاضل العدة يرجعها. ما فيش مشكلة. هانت المرأة في هذا الوقت. علاقة - 00:40:40

الرجل علاقة القبائل بعضها بعض زي الحال النهاردة قائمة على المصالح او على الحروب. قتل ده مستمر. الحروب كانت لا تتوقف ابدا ابدا. لدرجة ربنا سبحانه وتعالى وهو بيذكر فضلهم على المؤمنين - 00:41:00

يقول الله سبحانه واعتصموا بحبل الله جمیعا ولا تفرقوا. واذکروا نعمة الله عليکم اذ كنتم اعداء فالله بين الاية دي نزلت فيما يتعلق بالاوس والخزرج. الاوس والخزرج فضة الحرب بينهم داخل المدينة لمدة - 00:41:20

مئة وعشرين سنة حروب لا تتوقف ابدا. ابدا كانت الحروب تقوم على اتفه الاسباب. ده كان حال العرب قبل الاسلام ده كان حالهم قبل

الاسلام. ضياع في ضياع. طمست العقول وطمست الفطر. طمست القلوب - 00:41:40

قال النبي صلى الله عليه وسلم فننظر الله الى اهل الارض جميعا فمقتهم عربهم وعجمهم الا بقایا من اهل الكتاب. ربنا نظر نظره لاهل الارض بهذا الوضع وهذا الحال. سبحان الله. سبحان الله - 00:42:00

حتى الحياة الاقتصادية عندهم حياة في قمة قلة الادب في سوء الخلق. الربا المنتشر بين الناس بصورة غير طبيعية ومن كثر ما الربا انتشر بينهم اصبح عندهم حلال لدرجة انهم قالوا انما البيع مثله. انت عارف اه زمان زمان - 00:42:20

يعني مسلا من عشرين سنة كانت لو فيه بنت فكرت ترکب مع ولاد عربية يتقال عليها ده بتاعة عربيات النهاردة من كثر ما الامر انتشر لو قلت لواحد حرام ان بنتك ترکب معك العربية لوحدكم في مع بعض يقول لك وايه المشكلة ده عادي - 00:42:40

الامر لما انتشر خلاص بقى حلال. بقى عادي ايه المشكلة؟ بل الانكار بيقى عليك انت مش عليه هو. هم فضلت الربا عندهم تنتشر تنتشر تنتشر لدرجة انهم بقى الربا عندهم حلال. وزي ما سمعنا الان في حديث جعفر يأكل القوي منا الضعيف - 00:43:00

القوي يأكل الضعيف. سبحان الله! سبحان الله! فمقتهم عربهم وعجمهم الا من اهل الكتاب ده كان الحل في جزيرة العرب. كانت في امبرياد امبراطورية امبراطوريتين. الامبراطورية الرومانية والامبراطورية الفارسية. الاثنين دول - 00:43:20

الاثنين دول كانوا برضو بيساركوا العرب في اجزاء كبيرة جدا. يعني شمال الجزيرة مملكة الروم. شرق الجزيرة مملكة فارس مملكة الروم سبحان الله. سايد فيها الاحوال جدا سائد فيها الاحوال جدا. اتقسم اتقسامت الامة الرومانية الى قسمين. طائفة الملوك وطائفة عامة الشعب - 00:43:50

طائفة الملوك بيفكرروا ازاي يستنزفوا من اموال الناس ويأكلوا اموال الناس ويستغلوا الناس والشعب اللي ليل نهار متترمط في العمل وبعد ذلك يدفع الضرائب وسبحان الله. قامت ثورات وراء ثورات ثورات وراء ثورات - 00:44:20

اضطرابات وراء التربات لدرجة مسلا سنة خمسية اتنين وتلاتين ميلادية قبل بعثة النبي صلى الله عليه وسلم بحوالي تلاتين سنة في ثورة قامت في روما في في في الدولة الرومانية مات فيها تلاتين الف. لك ان تتخيل ان الناس يعني سبحان الله هم كانوا تفكيراتهم عجيبة - 00:44:40

قمة التخلف قمة الرجعية اه كانوا بيكرهوا الاستحمام. يظن الاستحمام ده شيء مناقض للحياة. كانت تفكيرتهم دايما هي المرأة دي اخوان ولا انسان؟ دي كانت تفكيراتهم؟ بعيوا تماما على عن تعليم النصرانية. انحرفوا عنها تماما. كانوا بيعشقوا العنف الهمجية. العابهم - 00:45:00

دايما كانت دموية آآ ضاربة في كثير من الاحيان. آآ كثير منهم بيعيروا اولادهم. بيتاجروا بآولادهم. آآ يعني حياة سوداء كان يعيشها العالم قبل بعثة النبي صلى الله عليه وسلم آآ بقى لنا نقطة صغيرة كده حاد تعليق يسير كده على - 00:45:20

الفارسية وباقى كده نشوف احنا عايزين ايه من مردنسنا؟ نرفع الاذان وصلى الله على نبينا محمد وعلى الله وصحبه وسلم. اه اما الامبراطورية الفارسية فاتقسمت نص الصين النص الاول هم الملوك اللي هم قالوا ان احنا فوق البشر. وكانوا ينظرون الى - 00:45:40

انفسهم ان هم الاله تعبد من دون الله سبحانه وتعالى. بل كان لما ينادي عليهم ينادي الله او الملك عامة الشعب عامة الشعب نزلت مسلا آآ احد ملوك الامبراطورية الفارسية في هذا الوقت كان بيدعوا الى اباحة الاموال والنساء - 00:46:00

وجعل الناس شركاء في كل شيء. وده ادى بعد ذلك الى انتشار والعياذ بالله الى المجنون والفواحش. بين الناس كانوا عايشين في ظلم شديد واضطهاد بين يعملون ليل نهار والاموال اللي بتطلع من ورا العمل ده بتطلع لمين - 00:46:20

تطلع للملوك تطلع للملوك. والملوك ينتمون بها. فكان الملك من هؤلاء الملوك او الله من من هذه الالهة كم كانوا كما كانوا يدعون على انفسهم عايش في حياة خلاف الحياة اللي عايش فيها الناس تماما. زي بالزبط كده يعني مسلا مصر مسلا من - 00:46:40

من من سنة بالزبط. سنة الرؤساء والمحافذ والوزراء والناس دول عايشين في حياة خلاف اللي احنا عايشين فيها تماما. احنا امبراح كنت بسمع كده اخبار القضايا والقضية امبراح كانت ايه؟ يقولوا فلان اتحول مش عارف لايه؟ اصل ادى لفلان - 00:47:00

في الصعيد في المنطقة السياحية. وده ادى الى اتلاف متين مليون جنيه. حته بمتين مليون جنيه. طب ده دي جزيرة معروفة. طب الجزء اللي مش معروف طب الاراضي اللي مش معروفة؟ ملايين الملايين سبحانك يا رب ايه ده! فكان ده الحال ايضا في في العالم في هذا الوقت الملوك عايشين في طبقة - 00:47:20

وعمت الناس عايشين في طبقة تانية خالص. لدرجة مسلا ان وانا بقرأ كده في الفتوحات الاسلامية في زمان عمر رضي الله عنه لما عمر رضي الله عنه فتح بلاد فارس يسجد رد اخر ملك من ملوك الدولة الفارسية او الامبراطورية الفارسية آآ كان لما خرج من ايران خرج من ايران آآ - 00:47:40

آآ من المدائن خرج هارب كده ومعه الف طاهي. الف طباخ يعني. الف طباخ. والف مغني والف قيم للنموس. الف واحد بي درب نموس. والف قيم للبزاه. البزاه اللي هو جمع الباز اللي هو الایه؟ الصاقش. خدت بالك؟ وحاشية اخرى - 00:48:00

وكان يستقل هذا العدد وبيعتبر نفسه لاجي حقير. يعني هو خارج بكل ده وبيظن ان هو كده لاجي حقير. وان المسلمين ضمن سروته العالم كان مضطرب. العالم كان بينتحر بيحضر. ده كان - 00:48:20

حال العالم قبل بعثة النبي صلى الله عليه وسلم. ده يقول لك ان ده هيكون حال العالم في كل وقت من الاوقات وفي كل زمان من الازمنة اذا فقد هذا العالم العالم شمس رسالة نور النبوة وهداية الوحي - 00:48:40

الانسان في هذا الوقت قبل بعثة النبي صلى الله عليه وسلم عامل بالزيط زي واحد انت رميته في صحرا بدون طعام وبدون شراب والصحراء متراجمية الاطراف وما يعرفش طريق و بتقول له انا عايزك تنجو من هذه الصحراء المفقرة. او بالزيط عامل بالزيط زي ايه - 00:49:00

انسان جبته كبلته ايدته خدت بالك وقيدت ايديه كده وهو ما بيعرفش يعوم وارميته في بحر عميق مليان حيتان. وقلت له انا عايزك تنجو من هذا الامر. ده حال دايما الانسان. الانسان دايما عقله لا يستقل ابدا - 00:49:20

بالتفكير ما يقدرش يميز. اللي بيميز له دايما نور الوحي. نور النبوة شمس الرسالة. علشان كده بنقول سبحان الله! ده كان حال العرب او حال العالم قبل بعثة النبي صلى الله عليه وسلم. ده كان حال الناس بدون دين. بدون دين يحكمهم. وبالتالي - 00:49:40

ان العالم بينهار زي ما انت شايفين الان. وبنقول اهو بنقول اهو يا جماعة. والعالم الانف زماننا برضو بينهار. عارفين ليه؟ لان العالم دلوقتي عايش بالظبط في صحراء مفقرة لا معه طعام ولا معه شراب. وما عهوش حد يدله الطريق بتاعه فين؟ قدامه طريق من اتنين - 00:50:00

ده يختار نور الدين ونور الرسالة يا اما يختاروا نور المذاهب الفكرية المعاصرة. العالم النهاردة اصبح ما بيدورش الا على مذاهب تيجي من اليمين او تيجي من الشمال. ده يدور على الرأسمالية ودور يدور على الاشتراكية وده يدور على الشيوعية. وده يدور على مش عارف - 00:50:20

المهليبة وفي الاخر العالم عمال بينهار. العالم بينهار. ومع كل ازمة من الازمات اللي بتمر بالعالم العقلاء لا يقولون الا كلمة واحدة لا نجاة الا بالعوده للإسلام. لما حصل الانهيار الاقتصادي في الفترة الماضية قالوا مش هينجينا الا الاسلام - 00:50:40

لما حصلت ازمة الخنازير قال مش هينجينا الا تعاليم الاسلام. لما انتشرت الفواحش والامراض والاوبيه في اوروبا الان قال مش هينجينا الا الاسلام لما ذاق الغرب الان مرارة المذهب الاشتراكي والمذهب الشيوعي ورأس مالي وغيرها من المذاهب اللي موجودة الان غيرها من المذاهب اللي موجودة الان قال - 00:51:00

مش هينجينا الا الاسلام علشان كده اوروبا كلها الان بكل خبراءها ودكتورة الجامعة بتاعتها كلها الان بتتنظر الى تعاليم الاسلام وبدأت تطبق تعاليم الاسلام بس مش قادرين يقولوا العوام الاوروبيين. احنا يا جماعة احنا بتطبق تعليم الاسلام. مش قادرين يقولوا هذا الكلام - 00:51:20

فرنسا الان هتتجنن من انتشار الاسلام فيها بصورة كبيرة جدا. رغم ان كل تعاليم الفرنسيين تعاليم اسلامية عايز اقول احنا من غير

اسلام ما بنساويش حاجة. عايز اقول احنا من غير دين ما بنساويش حاجة - 00:51:40

عشان كده كان ابن القيم رحمة الله بيقول كلمة في قمة الروعة. كان بيقول حاجة الناس الى الدين اكثرا من حاجتهم الى الطعام والشراب. بل اكثرا من حاجة المريض آآ الى الطبيب. لأن المريض ده لو ما جالهوش طبيب. ايه اللي هيحصل؟ هيموت بس هيخش الجنـة بسبـب مرضـه - 00:52:00

ولكن اذا فقد الانسان الدين المصير جهنـم والعيـاز بالله. عشـان كـده بنـقول يا جـمـاعـة اـنـا حـبـيـتـا الـكـدـ فيـ اـوـلـ درـسـ منـ درـوـسـ السـيـرـةـ علىـ المعـنـىـ دـهـ. نـحـنـ اـقـوـامـ لـاـ عـزـ لـنـاـ لـاـ بـالـاسـلـامـ. وـنـحـنـ اـقـوـامـ لـنـ نـعـيـشـ حـيـاـ طـيـبـةـ لـاـ بـالـاسـلـامـ - 00:52:20

ونـحـنـ اـقـوـامـ اـعـزـنـاـ اللـهـ بـالـاسـلـامـ فـمـهـماـ اـبـتـغـيـنـاـ العـزـةـ فـيـ غـيـرـ الـاسـلـامـ اـذـلـنـاـ اللـهـ. الـدـيـنـ بـالـنـسـبـةـ لـنـاـ حـيـاتـنـاـ الـدـيـنـ لـوـ خـرـجـ مـنـ حـيـاتـنـاـ اـحـنـاـ هـنـرـجـعـ لـلـجـاهـلـيـةـ الـلـيـ كـانـ عـلـيـهـ الـعـرـبـ. بـلـ لـلـاسـفـ اـسـمـعـوـهـاـ مـنـيـ. اـحـنـاـ عـدـنـاـ الـجـاهـلـيـةـ اـسـوـأـ شـرـاـ مـنـ الـجـاهـلـيـةـ الـلـيـ كـانـ - 00:52:40

وـالـلـهـ الـعـظـيـمـ لـزـوـجـةـ اـبـيـ جـهـلـ وـلـاـ بـنـتـ اـبـيـ جـهـلـ وـلـاـ زـوـجـةـ اـبـيـ لـهـبـ وـلـاـ بـنـتـ اـبـيـ لـهـبـ كـتـ تـفـكـرـ فـيـ يـوـمـ مـنـ الـاـيـامـ عـلـىـ الـجـاهـلـيـةـ الـلـيـ هـمـ اـنـ هـيـ تـلـبـسـ اوـ وـالـلـهـ مـاـ كـانـ يـصـلـ لـفـكـرـهـ اـبـداـ. وـالـلـهـ كـانـ اـرـيـقـتـ دـمـاءـ. لـوـ كـانـتـ بـنـتـ اـبـوـ جـهـلـ - 00:53:00

فـيـ يـوـمـ مـنـ الـاـيـامـ لـبـسـ اـسـتـرـتـشـ لـوـ بـنـتـ اـبـوـ لـهـبـ فـيـ يـوـمـ مـنـ الـاـيـامـ فـكـرـتـ تـظـهـرـ شـعـرـهـاـ قـدـامـ النـاسـ. عـشـانـ كـدـهـ بـقـولـ اـحـنـاـ مـحـتـاجـيـنـ نـعـيـدـ الـدـيـنـ مـنـ جـدـيـدـ. النـاسـ بـفـطـرـتـهـاـ مـحـبـةـ لـلـدـيـنـ. بـسـ مـحـتـاجـيـنـ اـنـ اـحـنـاـ نـوـضـحـ لـلـنـاسـ جـمـالـهـ وـعـظـمـتـهـ مـنـ جـدـيـدـ - 00:53:20

عشـانـ كـدـهـ بـقـولـ رـغـمـ الـجـاهـلـيـةـ الـلـيـ كـانـ بـيـعـيـشـهـاـ الـعـالـمـ قـبـلـ بـعـثـةـ النـبـيـ صـلـىـ اللـهـ عـلـيـهـ وـسـلـمـ لـاـ انـ هـنـاـكـ اـقـوـامـ كـانـوـاـ بـيـحـثـوـنـ عـنـ الـحـقـ وـكـمـ ضـيـعـوـاـ مـنـ اوـقـاتـ وـاعـمـارـ مـنـ اـجـلـ الـبـحـثـ عـنـ الـحـقـ. زـيـ سـلـمـانـ الـفـارـسـيـ. الـلـيـ هـيـلـفـ عـلـىـ تـلـتـ الـاـرـضـ كـامـلـةـ - 00:53:40

هـيـمـشـيـ تـلـقـيـ الـاـرـضـ عـلـىـ رـجـلـيـهـ. عـشـانـ يـوـصـلـ لـلـحـقـ. عـشـانـ يـوـصـلـ لـلـدـيـنـ. لـيـهـ لـاـنـ دـاءـ مـرـارـةـ الـجـاهـلـيـةـ هـنـشـوـفـ النـاسـ الـلـيـ رـبـنـاـ سـبـحـانـهـ وـتـعـالـىـ ضـاعـفـ لـهـ الـاـجـرـ فـجـعـلـ لـهـ دـرـجـتـيـنـ فـيـ الـجـنـةـ. زـيـ زـيـدـ بـنـ عـمـرـوـ بـنـ نـفـيـلـ - 00:54:00

الـلـيـ النـبـيـ صـلـىـ اللـهـ عـلـيـهـ وـسـلـمـ قـالـ اـنـ رـبـنـاـ سـبـحـانـهـ وـتـعـالـىـ جـعـلـ لـهـ دـرـجـتـيـنـ فـيـ الـجـنـةـ. بـسـبـ بـحـثـهـ عـنـ الـحـقـ وـاجـتـهـادـهـ فـيـ السـعـيـ عـنـ الـحـقـ حـنـرـعـ وـرـقـ اـبـنـ نـوـفـلـ الـاجـتـهـادـ غـاـيـةـ الـاجـتـهـادـ اـنـ يـوـصـلـ لـلـحـقـ. هـاـقـوـلـ اـنـ اـزاـ كـانـ بـعـضـ سـوـرـ الـجـاهـلـيـةـ الـقـدـيـمـةـ ظـهـرـتـ فـيـ زـمـنـاـ - 00:54:20

اوـ زـادـتـ فـيـ زـمـانـاـ اـنـ اـحـنـاـ لـازـمـ بـحـثـ عـنـ الـحـقـ وـنـتـمـسـكـ بـالـحـقـ. وـنـدـعـوـ النـاسـ لـهـذـاـ الـحـقـ كـمـ صـنـعـ هـؤـلـاءـ عـشـانـ نـحـصـلـ هـذـاـ الـاجـرـ اـنـ شـاءـ اللـهـ الـدـرـسـ الـقـادـمـ بـاـذـنـ اللـهـ. الـبـاحـثـوـنـ عـنـ الـحـقـ. كـيـفـ بـحـثـوـاـ عـنـهـ؟ وـكـيـفـ وـصـلـوـاـ لـيـهـ - 00:54:40

بـلـ كـيـفـ ثـبـتوـاـ عـلـيـهـ؟ وـهـنـاـخـدـ نـمـوـزـجـ طـوـيـلـ قـوـيـ فـيـ قـصـةـ اـهـ الـكـفـاحـ قـصـةـ كـفـاحـ طـوـيـلـ قـوـيـ مـعـ سـلـمـانـ الـفـارـسـيـ رـضـيـ اللـهـ عـنـهـ الـلـيـ طـلـعـ مـنـ فـارـسـ لـلـجـزـيـرـةـ مـنـ الـجـزـيـرـةـ عـلـىـ الشـامـ وـمـنـ الشـامـ عـلـىـ تـرـكـيـاـ وـمـنـ تـرـكـيـاـ عـلـىـ الشـامـ وـمـنـ الشـامـ يـرـجـعـ الـمـدـيـنـةـ عـشـانـ - 00:55:00

قـبـلـ النـبـيـ صـلـىـ اللـهـ عـلـيـهـ وـسـلـمـ عـشـانـ يـؤـمـنـ بـهـ وـيـتـبـعـهـ بـعـدـ رـحـلـةـ بـحـثـ عـنـ الـحـقـ الـرـحـلـةـ كـانـتـ طـوـيـلـةـ قـوـيـ نـاـخـدـهـاـ اـنـ شـاءـ اللـهـ الـدـرـسـ الـقـادـمـ عـشـانـ اـقـوـلـ لـكـمـ مـهـمـاـ الـجـاهـلـيـةـ فـفـيـ نـاسـ بـيـحـبـوـ الـحـقـ اوـيـ وـبـيـدـورـوـاـ عـلـىـ الـحـقـ جـداـ. وـهـؤـلـاءـ لـمـ بـيـصـلـوـاـ عـلـىـ الـحـقـ بـضـاعـفـ اللـهـ سـبـحـانـهـ وـتـعـالـىـ لـيـ وـلـكـمـ التـوـفـيقـ وـالـسـدـادـ. وـصـلـىـ اللـهـ عـلـىـ نـبـيـنـاـ مـحـمـدـ وـعـلـىـ الـهـ وـصـحـبـهـ وـسـلـمـ. سـبـحـانـكـ اللـهـمـ وـبـحـمـدـكـ. اـشـهـدـ اـنـ لـاـ اللـهـ اـلـاـ اـنـتـ. نـسـتـغـفـرـكـ وـنـتـوـبـ لـيـكـ - 00:55:20

الـلـهـ سـبـحـانـهـ وـتـعـالـىـ لـيـ وـلـكـمـ التـوـفـيقـ وـالـسـدـادـ. وـصـلـىـ اللـهـ عـلـىـ نـبـيـنـاـ مـحـمـدـ وـعـلـىـ الـهـ وـصـحـبـهـ وـسـلـمـ. سـبـحـانـكـ اللـهـمـ وـبـحـمـدـكـ. اـشـهـدـ اـنـ لـاـ اللـهـ اـلـاـ اـنـتـ. نـسـتـغـفـرـكـ وـنـتـوـبـ لـيـكـ - 00:55:40